



UNIVERSITÄTS-
BIBLIOTHEK
PADERBORN

Universitätsbibliothek Paderborn

Formularium Episcopale

Barbosa, Agostinho


Coloniae Agrippinae, 1680

Circa Uniones.

urn:nbn:de:hbz:466:1-10456

constitutum incorporalem possessio-
nem, seu quasi dicti beneficii, juriu-
que & pertinentium per annuli nostri
in manibus tuis traditionem induci-
mus & investimus de eodem recepto
a te primitus &c. Quocirca &c. ut in
form. mutatis mutandis. In quorum
omnium & singulorum fidem & te-

stimoniūm praesentes litteras collatio-
nem, & provisionem nostram in se
continentes fieri, & per Secretarium
nostrum infrascriptum subscribi, &
publicari fecimus, nostrique sigilli
jussimus appensione communiri. Dat.
Bracharæ Augustæ &c. die... Ann...



CIRCA UNIONES.

QUAMVIS singulis Ecclesiis singulos Rectores preficiendos esse ve-
teres sanctiones jubeant, quandoque tamē postulat plebis utilitas,
ut que anteā plures, ac diversa erant, nunc in unum veluti corpus
redigantur, ac simul conjuncta pro una Ecclesia habeantur; quando-
que etiam, ut que conjuncta, connexaque unionis vinculo habebantur, nunc
dirimantur, singulaque seorsim tanquam recens erit & constituantur & gubernen-
tetur. Que omnia cū ab una tantum ratione publica utilitatis adjuvando
proficiantur, non possunt inter se repugnantia, sed maximè ad eundem finem
consentientia, & coēuntia censi.

Quamobrem Concil. Trid. sess. 21. de reformat. c. 5. constituit, ut possint
Episcopi, etiam tanquam Sedis Apostolica delegati, iuxta formam juris, suetamen
pro iudicio obtinentium facere uniones perpetuas quarumcunque Ecclesiarum
Parochialium, & baptismalium, & aliorum beneficiorum curatorum, vel
non curatorum cum curatis, propter earum pauperatem; etiam si dicta Ecclesia
vel beneficium essent generaliter vel specialiter reservata, aut qualitercumque
affelta. Que uniones etiam non possint revocari, nec quoquo modo infringi vigo-
re cuiuscumque provisoriis, etiam ex causa resignationis, aut derogationis aut sus-
pensionis. Quod quidem Concilij Trident. decretum declaratur per alind sess.
24. de refor. c. 13. statuens, Parochiales Ecclesiæ uniendas non esse monasteriis
quibuscumque, aut Abbatii, seu dignitatibus, sive prabendis Ecclesia Cath-
edralis, aut Collegiate, sive aliis beneficiis simplicibus, aut hospitalibus, Militiis-
ve. Quare ad prescriptum decretorum Concilij Trid. predictorum, poterit Ep-
iscopio facere uniones in hunc, qui sequitur, modum.

FOR-

FORMULA LXXV,

*Unionis Ecclesiae Parochialis, alteris-
mili propter eorum paupertatem.*

D Rodericus &c. Universis, & singulis præsentes litteras audituris, lecturis, & inspecturis, illis præsertim, quorum interest, intererit, aut interesse, quosque infrascriptum tangit negotium, seu tangere poterit quomodolibet in futurum, salutem in Domino sempiternam. Ad hoc ut Ecclesiæ omnium per Civitatem & diœcœsum nostras Bracharenses consistentium ac illas obtinentium personarum status salubriter dirigi, servarique possit honestius, ac personæ ipsæ, animalium curæ & officio inibi incumbentes habeant redditus sufficientes, ut ex altari vivere possint, nostri libenter favoris impartimur præsidium, potissimum cum temporum requirit necessitas, cause persuadent rationabiles, & divini cultus augmentum salubriter id exposcit. Exhibita siquidem nobis nuper per dilectum in CHRISTO N. Rectorem Ecclesie Parochialis sancti N. i. hujus Diœcesis petitio con inebat, quod in dicto loco alia Parochialis Ecclesia sub invocatione S. B. consistit, cuius structus, redditus, proventus, ad sustentationem Rectoris ejusdem pro tempore existentis, propter eorum exiguitatem, & tenuitatem minime suffertunt, & sicut eadem petitio subjungebat, si Parochia-

lis Ecclesia sancti B. dictæ Ecclesie similiter Parochiali sancti N. quæ in medio loci & commodiori situ existit uniretur, annexetur, & incorporaretur, per hoc congrua remaneret portio Rectori Ecclesie S. N. in eaque divina officia majori cum decore celebrarentur, cultusque divinus in eisdem augmentaretur. Quare per dictum N. fuit nobis humiliter supplicatum, ut super præmissis providere auctoritate ordinaria dignaremur. Nos igitur attendentes petitionem hujusmodi præmissis veris existentibus, esse justam & consonam rationi, de præmissis omnibus & singulis ac eorum circumstantiis universis inquisivimus, & nos informavimus diligenter; & quia per informationem legitimam & diligenter per nos à nonnullis testibus fide dignis coram nobis per præfatum N. ad informandum animum nostrum, & desuper omnibus & singulis prænarratis, productis, ac rite receptis, & ad jurandum admissis, juratisque examinationis, factam & receptam examinationem, reperimus omnia & singula per dictum N. asserta, ut præinferuntur, veritate fulciri. Idcirco auctoritate nostra ordinaria, & Sedis Apostolicæ delegata, qua fungimur in hac parte, & omnibus aliis melioribus modo, via & forma, quibus de jure possumus, Parochiale Ecclesiam S. B. prædictam cum omnibus juribus & pertinentiis suis eidem Parochiali Ecclesie S. N. in perpetuum utivimus, incorporavimus, & annexuimus, ac ex nunc unimus, incorporamus & anneximus

per præsentes, ita quod cedente vel
decedente moderno ipsius Parochialis
Ecclesiæ S. B. Rectori, seu illam alias
quomodo libet dimittente, etiam si
actu quovis modo vacet, & ejus
dispositio ad nos hac vice pertineat,
liceat Rectori dictæ Ecclesiæ S. N. pro
tempore existenti corporalem, rea-
lem, & actualem Ecclesiæ S. B. ju-
riumque & pertinentium prædicto-
rum possessionem auctoritate propria
libere apprehendere, illiusque fru-
ctus, redditus, & proventus hujus-
modi percipere, & habere, ac in
suos, & dictarum Ecclesiæ usus,
& utilitatem convertere, & perpetuo
retinere, cujusvis alterius superioris
licentia super hoc alias minimè requi-
sita. Volumus autem quod si unio-
nem, annexionem, & incorporatio-
nem hujusmodi effectum sortiri con-
tigerit, Parochialis Ecclesiæ S. B. præ-
dicta debitum propterea non fraude-
tur obsequiis, nec animarum cura
in ea aliquatenus negligatur, sed ejus
debitè, si opus fuerit, supportentur
onera consueta. Quæ omnia & sin-
gula, nec non prælentes literas no-
stras & in eis contenta vobis omni-
bus & singulis supradictis, & ve-
strum cuilibet intimamus, & notifi-
camus, ac ad vestrum & cujuslibet
vestrum notitiam deducimus, & de-
duci volumus per præsentes, ne de
præmissis ignorantiam aliquam præ-
tendere valeatis, seu etiam allegare.
Vobisque nihilominus, & vestrum
cuilibet in virtute sanctæ obedientiæ,

& sub excommunicationis pena,
quam in vos, & vestrum quemlibet,
si mandatis, & inhibitionibus nostris
hujusmodi non parueritis cum effectu
sex dierum canonica monitione præ-
missa, quorum duos pro prima, duos
pro secunda &c. assignamus, ex tunc
terimus, in his scriptis districtè præ-
piendo inhibemus, ne dicto N. aut
Rectori pro tempore existenti dictæ
Ecclesiæ sancti N. vel procuratori
suo, quominus corporalem, realem &
actualem possessionem dictæ Paro-
chialis Ecclesiæ sancti B. per nos ut
præmittitur, unitæ, sic vacantis ad præ-
iens, vel quamprimum, ut præmit-
titur, illam vacare contigerit, jurium
que & pertinentium ejusdem etiam
auctoritate propria liberè apprehen-
dere, ejusque fructus, redditus & pro-
ventus in suos, & prædictarum Eccle-
siarum usus & utilitatem convertere
valeat, ut prefertur, omniaque & sin-
gula supradicta ne suum debitum sorti-
antur effectum minimè impedimen-
tum aliquod præstitis, vel alicui, seu
aliquibus publicè, vel occultè directè
vel indirectè quovis quæsito colore
vel ingenio, ipsum impedientibus de-
tis, seu aliquis vestrum, det consilium,
opem, vel favorem. In quorum omni-
um & singulorum &c. Dat. &c.

† †

FOR-

FORMULA LXXVI.

*Unionis Beneficij simplicis Parochiali
exigui redditus facienda.*

D. Rodericus &c. Cum in visita-
tione Ecclesiae Parochialis sancti
N. loci N. nostrae Diocesis Bracha-
rensis, aliatumque Ecclesiarum, &
locorum piorum dicti loci per nos his
elapsis diebus habita comperimus in-
ter cetera, Parochialem ipsam adeo
exiguos fructus habere ut ex eis Paro-
chus pro tempore minimè sustentari
possit, volentes pro munere nostro quā-
tum possimus fructos dicta Parochia-
lis aliquatenus augere, ut etiam Clericus
veste talari, super pelliceo induitus Cu-
rato celebranti ministrare possit, donec
aljundē provideri possit, pro commoda
sustentatione Parochi, quemadmodum
a sacris Canonibus, & facto Concil.
Trident. traditum est, ideo tam auctoritate
dicti Concil i Trid. quam ustra
Ordinaria, & alias omni meliori modo
&c. intervenientibus quibuscumque so-
lemnitatibus tam juris, quam facti etiā
extrinsecis, in similibus requisitis, ei-
dem Parochiali univimus, & applicavi-
mus, ac unimus & applicamus benefi-
cium simplex sancti N. situm in loco N.
cum suis juribus & pertinentiis tam
spiritualibus quam temporalibus, quod
nunc tenetur, & possidetur a N. sine ta-
men præjudicio dicti possessoris, & sine
divini cultus dimisitione. Commit-
tentest in virtute sanctæ obedientiæ, &c.

sub excommunicationis poena quibus-
cumque clericis civitatis & Diocesis
nostræ in solidum quatenus ad omnem
Parochi dicti loci N. requisitionem
debent cum nomine suo, & successo-
rum suorum in dicta Parochiali, vel
procuratorū imponere, & inducere in,
& ad realem, corporalem, & actualem
possessionem & tenuitatem dictæ Ec-
clesiae simplicis S. N. juriumque & per-
tinentium ejusdem inductum manute-
nendo, & defendendo, amoto exinde
quolibet alio detentore, quem & nos
sine præjudicio auctorum per præsentes
amotum decernimus, & declaramus.
In quotum fidem &c.

Insuper statuit Concil. Trident. sess.
24. dereform. cap. 15. in Ecclesiis Ca-
thedralibus, & Collegiatis insignibus,
ubi frequentes, adeoque tennes sunt
præbenda simul, cum distributionibus
quotidianis ut sustinendo decenti Cano-
nicor. gradui pro loci & personarum
qualitate non sufficient. liceat Episc.
cum consensu Capituli aliquot simplicia
beneficia, non tamen Regularia iis uni-
re. Cujus quidem decreti decisio ita in-
telligenda est, ut ani siat singulis præ-
bendis distributrix, non autem mense
Capitulari, ut est communis Doctorum
resolutio, secundum Gabr. cons. 118.
num. 3. & 4. lib. 2. Gonzal. ad reg. 8.
Cancel. gloss. 37. num. 25. Gare. de be-
nefic. part. 12. c. 2. num. 171. Gratian.
discept. foren. cap. 274. num. 34. in fine
Rot. decil. 565. p. 2. recent.

FOR-

FORMULA LXXVII.

*Unionis tenuis præbenda, dignitati Ec-
clesia Cathedralis faciende.*

D. Rodericus, &c. Universis & singularis literas præsentes nostras unionis, & incorporationis inspecturis & lectoris, tam præsentibus quam futuris, salutem in Domino. Notum facimus, & attestamur, qualiter in generali visitatione per nos facta in nostra Civitate, & diœcœsi Bracharensi, reperimus Ecclesiam, seu Capellam, sine cura sub invocatione S. N. instrutam & ædificatam in terra N. destitutam esse legitimo Rectore quam Ecclesiam seu Capellam, ad hoc, ut servitium dignitatis N. existentis in nostra Cathedrali magis accrescat, & facilius supportari possit, præbenda dictæ dignitatis N. & ejus possessori & successori pro tempore existenti, & legitimè intranti unâ cum juribus, introitibus, redditibus, & proventibus applicavimus, prout præsentium tenore applicamus, unius, anneximus, & incorporamus, illamque Ecclesiam, seu Capellam, jura introitus, provenitus, & redditus quo modolibet ad illam spectantes & pertinentes, ex nunc, perpetuo & in futurum prædictæ dignitati N. & ejus præsenti, & pro tempore existenti possessori in præbendam conferimus, & assignamus. Decernentes, alteri cuicunque provideri in futurum minimè posse, ac provisiones quaslibet

cassamus, irritamus & annullamus, & irritas fore esse declaramus. In quorum omnium fidem &c.

FORMULA LXXVIII.

*Unionis duarum Capelliarum in Ec-
clesia Collegiata cum dismembra-
tione fructum alterius.*

D. Rodericus &c. Cùm in Ecclesia Collegiata S. N. oppidi N. hujus nostræ diœcœsis duæ adhuc capellaria, una sub invocatione sancti N. quam olim obtinebat Presbyter N. & modo vacat per provisionem ejusdem ad Ecclesiam Parochialem S. N. alteram vero sub invocatione S. B. quam olim obtinebat presbyter N. & modo per ipsius obitum de mense februarii proximè præteriti, nobis verè & personaliter residentibus, ac alternativæ beneficio gaudentibus vacat, ambo æqualis oneris & servitii, Missas videlicet celebrandi, & Horas Canonicas in choro recitandi, imparis tamen redditus, & valoris. Capellaria enim sancti B. ad viginti, illa vero sancti N. ad triginta scutorum monetæ valorem ascendit. Propterea cupientes, ut cultus divinus augatur, & ministri Ecclesie ad Dei servitium magis animentur cum juxta illud Apostoli, qui altari seruit, de altari vivere debeat, nec unus quidem esuriat, alius ebrius sit; statuimus & decernimus, ut dictæ capella sancti B. dismembretur, disuniatur, ac separetur, & dictæ capellæ sancti N. perpetuo una-

uniatur, annoctamur, & incorporetur, prout praesenti decreto dismembramus, disunimus & separamus & praefatae capelle sancti N. perpetuo unius, annoctimus & incorporamus, ita ut in futurum successores ad dictam capellaniam sancti N. redditus omnes, proventus & emolumenta ad aliam Capellam sancti B. spectantia, licet ex nunc, & in posterum habere, teneare, possidere, & frui valeant, prout in premissis & singulis omnibus nostram auctoritatem pariter, & decretum interponimus, predicto & omni alio meliori modo &c. volumus autem, quod per hujusmodi unionem annexionem & corporationem dicta Capellania S. B. debitis non fraudetur Missis consuetis. In quorum fidem &c. Dat. Brachara Augustæ &c. *Ubi autem in Ecclesiis Cathedralibus & Collagiatis insignibus, frequentes adeoque tenuerunt præbendas simul cum distributionibus quotidianis, ut sustinendo decenti Canonorum gradus pro loco & qualitate non sufficiant, nec per unionem aliquorum beneficiorum simplicium tenuitati hujusmodi provideri potest, licet Episcopis cum consensu Capituli & patronorum, si de jure patronatus laicorum sint; aliquibus ex iis suppressis, quarum fructus & proventus reliquarum præbendarum distributionibus quotidianis applicentur, eas ad pauciorenum numerum reducere: ita tamen ut tot supersint, que divino cultui celebrando, ac dignitati Ecclesia comode valeant respondere. Quia quidem suppressiones, ut prefertur, facta, ex*

quibuscumque provisionibus, etiam vi-
gore resignationis, aut quibusvis aliis
derogationibus, vel suspensionibus colla-
sen impediri non poterunt, ut clare di-
sponit Concil. Trid. less. 24. de refot.
c. 15. quare in hac materia Episcop. pro-
videre poterit in hunc qui sequitur me-
dum.

FORMULA LXXIX.

Suppressionis aliquarum præbendarum
Ecclesiæ. Collegiate insignis ob
tenuitatem.

Dodericus &c. Cùm in visita-
tione insignis collegiata Ecclesiæ
S. N. oppidi N. hujus nostræ diœcesis
per nos iis elapsis diebus habita, cō-
perimus, quindecim adeoque tenues
ibi esse præbendas simul cum distribu-
tionibus quotidianis, ut sustinendo de-
centi Canonorum gradui pro loci &
personarum qualitate non sufficiant,
nec per valorem aliquorum beneficio-
rum simplicium hujusmodi tenuitati
provideri possit; Nos verò cupientes ut
ministri Ecclesiæ ad Dei servitium ma-
gis animentur, & competenter pirantia
ad psallendum in choro afficiantur,
quod evenire non aliter posset, quam
si aliquæ ex dictis præbendis supprime-
rentur, quarum fructus & proventus
reliquarum præbendarum distributione-
bus applicentur: Nosque attenden-
tes predictum quindecim præbenda-
rum numerum, qui ad præsens in dicta
insigni Collegiata reperitur, posse ad

K

decem

decem reduci, cum quibus divino cultui celebrando ac dignitati Ecclesiæ sine aliquo divini cultus præjudicio responderi poterit, ideo Capituli ad hoc accedente consensu, quinque ex dictis quindecim præbendas primo loco percessum vel decepsum, aut alio quovis modo vacantes, extinguendas, & supprimendas duximus, prout per præsentes extinguimus & supprimimus illarumque fructus, & proventus reliquarum decem præbendarum distributionibus quotidianis applicamus, tam auctoritate Sacri Concilii Tridentini quam nostra Ordinaria, ac aliâ omni meliori modo &c. declarantes hujusmodi suppressionem sic ut præfertur factam ex quibusunque provisionibus, etiam vigore resignationis aut quibusvis aliis derogationibus vel suspensionibus tolli seu impediri non posse. In quorum omnium & singulorum fidem &c. Dat. &c.

Ut per beneficiorum uniones, seminariorum necessitati consulatur, commendat Concil. Trident. tesi. 23. de reform. cap. 18. ut Episcopi aliqua beneficia simplicia cujuscunque qualitatis, & dignitatis fuerint, vel etiam praestimonia, seu praestimoniales portiones nuncupatus etiam ante vacationem, sine cultus divini, & illa obseruentium præjudicio, seminariorum Collegiis applicent, & incorporent, etiam si talia beneficia sint reservata vel affecta, ita ut nec per resignationes ipsorum beneficiorum, uniones, &

applicationes hujusmodi suspendantur, vel ullo modo impediri possint; sed omnino quacunque vacatione non obstante, etiam si in Curia, effectum suum fortiantur. Unde colligitur Episcopum iis unire non posse beneficia illa, qua personalem residentiam requirunt, qualia sunt Parochia, Canonicatus, & alia hujusmodi sicuti nec beneficia reservata, quando post eorum vacationem unio fieret, ut clare idemmet Concil. Trident. decretum insinuat. Quare Episcopus uniones seu applicationes Collegio seminarij facere poterit in hunc qui sequitur modum.

FORMULA LXXX.

Uniones, seu applicationis beneficiorum simplicium Collegio seminariz.

D Rodericus &c. cùm jam diu seminarium Ecclesiasticum in hac urbe N. ex præscripto Sacri Concil. Trident. fuerit erectum, neque redditus & anni proventus eidem hactenus applicati ad eam summarum perveniant, quæ ad sustentandos certos ejusdem Collegii alumnos sufficiat; ut Ecclesia quâm uberrimos in Domino fructus ex hoc seminario capiat, auctoritate ejusdem Sacri Concilii Trident. Concilii Provincialis, ac etiam nostra Ordinaria, & aliâ omni meliori modo &c. cum consilio R.R.N. & N. deputatorum dicti seminarii ad pra-

prescriptum Sacri Concilii Trident. electorum &c. praesentium &c. harum tenore eidem seminario unimus & applicamus beneficia hæc simplia in diœcesi nostra constituta, nempe beneficium simplex sancti N. situm &c. & aliud beneficium simplex in Ecclesia sancti N. &c. mandantes in virtute sanctæ obedientiæ, & sub excommunicationis pœna omnibus officialibus nostris Ecclesiasticis civitatis & diœcesis nostre N. in solidum quatenus ad omnem requisitionem agentium pro dicto seminario, debeant eos, vel aliquem eorum in solidum nomine dicti seminarii inducere, & ad corporalem & actualem possessionem, & tenutam dicto-

rum beneficiorum pro tempore vacantium, & inductum manutenendo, & defendendo; amoto, seu amotis quocunque, seu quibuscumque detentoribus, faciantque dicto seminario, seu pro eo agentibus de quibuscumque fructibus, decimis, provenientibus, & obventionibus dictorum beneficiorum à quibuscumque debitribus pro tempore debitissimè responderi, fraude & cavillatione celsantibus quibuscumque. Et hæc omnia sine præjudicio nunc possidentium, & sine divini cultus diminutione, & ad præscriptum dicti Concilii, & alias omni meliori modò &c. In quantum fidem &c.

CIRCA VARIA.

Cum Tridentini Concilii decreto. less. 25. in decreto de invocat. venerat. & reliq. Sanct. Statutum est, nulla admittenda esse nova miracula, nisi recognoscente, & approbante Episcopo, qui simul atque de iis aliquid compertum habuerit, adhibetis in consilium Theologis, & aliis piis viris, ea faciat qua veritati, & pietati consentanea judicaverit, ideo formulam facultatis assumendi informationes de veritate miraculorum, hic inserere opere pretium duxi, in hunc quisequitur modum.